

**REGLUGERÐ****202**

25. nóv.

um breyting á reglugerð um holræsi og holræsagjöld í Suðureyrarkauptúni,  
nr. 156 20. nóv. 1946.

3. gr. orðist svo:

Til þess að standast kostnað við holræsagerð hreppsins, skal árlega greiða holræsagjald af öllum húsum, er standa við götu, veg eða opið svæði, sem holræsi hefur verið lagt í, og fer gjaldið eftir gjaldskrá sem hér segir:

- a. 1% af fasteignamati, lágmarksgjald skal þó vera 50 krónur á hverja íbúð.
- b. Fast gjald á hverja íbúð fram yfir eina 15 krónur. Gjöld þessi getur hreppsnefnd hækkað eða lækkað um allt að 50%.

Reglugerð þessi, sem samin er og samþykkt af hreppsnefnd Suðureyrarhrepps, staðfestist hér með samkvæmt vatnalögum nr. 15 20. júní 1923, til þess að öðlast gildi þegar í stað og birtist til eftirbreytni öllum þeim, sem hlut eiga að máli.

*Félagsmálaráðuneytið, 25. nóvember 1960.*

F. h. r.

**Hjálmar Vilhjálmsson.**

*Hallgrímur Dalberg.*

Staðfesting forsetans á skipulagsskrá fyrir Elísabetarsjóð, útgefin á venjulegan hátt að mandatum af dómsmálaráðherra, 29. nóvember 1960. **203**  
29. nóv.

Skipulagsskráin er þannig:

**SKIPULAGSSKRÁ**

fyrir Elísabetarsjóð.

1. gr.

Sjóðurinn heitir Elísabetarsjóður.

2. gr.

Sjóðurinn er stofnaður til minningar um Elísabetu Ingvarsdóttur, sem fæddist 20. júlí 1955. Stofnendur sjóðsins eru hjónin Sigríður Guðmundsdóttir og Ingvar Helgason. Stofnframlag sjóðsins er kr. 3000.00.

3. gr.

Sjóðurinn tekur við gjöfum og áheitum.

4. gr.

Ekki má veita fé úr sjóðnum fyrr en höfuðstóll hans nemur kr. 10 000.00. Eftir það má verja 10% hluta ársvaxta og öllu því fé, er honum kann að áskotnast á annan hátt til styrkveitinga í samræmi við 5. gr.

203

29. nóv.

5. gr.

Tilgangur sjóðsins er að styrkja ungbörn í Vöggustofu Barnauppeldissjóðs Thorvaldsensfélagsins að Hlíðarenda, eftir því sem stjórn sjóðsins telur nauðsynlegt á hverjum tíma, með gjöfum til barnanna eða á annan hátt.

6. gr.

Stjórn sjóðsins skipa fimm konur. Stofnandi sjóðsins, Sigríður Guðmundsdóttir, skal vera formaður hans, en eftir hennar dag elzti afkomandi hennar í kvenlegg eða ættmenni valið af stjórn sjóðsins. Aðrar í stjórn skulu vera formaður Thorvaldsensfélagsins og þrjár stjórnarkonur Barnauppeldissjóðs Thorvaldsensfélagsins. Stjórnin skiptir að öðru leyti með sér verkum. Fundir í sjóðstjórn eru lögmætir, ef formaður og tvær aðrar úr stjórn hans mæta.

7. gr.

Reikningsár sjóðsins skal miðast við 1. marz ár hvert og skulu ársreikningar hans fylgja ársreikningi Barnauppeldissjóðs Thorvaldsensfélagsins.

8. gr.

Stjórn sjóðsins skal halda gerðabók um störf sín og úthlutun úr sjóðnum, sem jafnan skal fara fram 20. júlí, verði því við komið. Í gerðabókina skal færa skipulagsskrá þessa. Stjórn sjóðsins skal annast fjársöfnun til sjóðsins og sjá um eflingu hans, m. a. með sölu minningarkorta.

9. gr.

Leita skal staðfestingar forseta Íslands á skipulagsskrá þessari.

Reykjavík, 25. október 1960.

Sigríður Guðmundsdóttir.

Ingvar Helgason.

Samþykkjum skipulagsskrána.

F. h. Thorvaldsensfélagsins

F. h. Barnauppeldissjóðs Thorvaldsensfélagsins

Svanfríður Hjartardóttir,  
formaður.

Bjarnþóra Benediktsdóttir,  
formaður.

204

27. des.

## AUGLÝSING

### um innheimtu skemmtanaskatts 1961.

Ákveðið hefur verið að nota heimild í 1. gr. laga nr. 75 5. desember 1960 til þess að innheimta skemmtanaskatt af kvikmyndasýningum með 200% álagi og af öðrum skemmtunum með 20% álagi árið 1961. Þó skulu leiksýningar, hljómleikar og söngskemmtanir innlendra manna undanþegnar álaginu, svo og sýningar á íslenskum kvikmyndum.

Í menntamálaráðuneytinu, 27. desember 1960.

F. h. r.

Birgir Thorlacius.

*Knútur Hallsson.*